

# S I Ð A R E G L U R

## kjörinna fulltrúa í Húnaþingi vestra

### 1. gr.

#### *Markmið*

Markmið þessara reglna er að skilgreina það háttarni og viðmót sem ætlast er til að kjörnir fulltrúar sýni af sér við störf sín fyrir hönd Húnaþings vestra. Reglurnar ná til kjörinna sveitarstjórnarfulltrúa og annarra sem kjörnir eru til setu í nefndum og ráðum Húnaþings vestra.

### 2. gr.

#### *Starfsskyldur kjörinna fulltrúa*

Kjörnir fulltrúar skulu í störfum sínum fylgja lögum, reglum og samþykktum Húnaþings vestra, sem og sannfæringu sinni. Þeim ber að starfa fyrst og fremst í þágu íbúanna og ber því að setja almannahagsmuni ofar sérhagsmunum, hvort heldur er sínum eigin, annarra einstaklinga eða einstakra hópa. Þeim ber að hafa í heiðri ýtrustu kröfur um ráðvendni, heiðarleika og réttlæti í störfum sínum í þágu sveitarfélagsins.

Kjörnir fulltrúar hafa ávallt í heiðri grundvallarreglur góðrar stjórnsýslu í störfum sínum, þ.m.t. gagnsæja og upplýsta ákvarðanatöku, og framkvæma ekkert það sem er til þess fallið að vekja grunsemdir um að annað en lögmæt og málefnaleg sjónarmið ráði för við stjórn Húnaþings vestra.

### 3. gr.

#### *Valdmörk*

Kjörnir fulltrúar gæta þess að fara ekki út fyrir umboð sitt í störfum sínum og virða verkaskiptingu í stjórnkerfi Húnaþings vestra. Þeir sýna störfum og réttindum annarra kjörinna fulltrúa og starfsmanna Húnaþings vestra virðingu.

### 4. gr.

#### *Hagsmunaárekstrar*

Kjörnir fulltrúar nýta sér ekki stöðu sína í þágu einkahagsmuna sinna eða annarra sem eru þeim tengdir, hvort sem ávinningur af slíku kemur fram strax eða síðar, þ.m.t. eftir að störfum fyrir Húnaþing vestra lýkur.

Kjörnir fulltrúar skulu forðast hagsmunaárekstra í störfum sínum. Um hæfi þeirra við meðferð einstakra mála fer eftir 20. gr. sveitarstjórnarlaga nr. 138/2011 og 17. gr. Samþykktar um stjórn sveitarfélagsins Húnaþings vestra.

### 5. gr.

#### *Ábyrgð á fjármálum*

Kjörnum fulltrúum ber að virða fjárhagsáætlun og grundvallarreglur um fjármálastjórnun til að tryggja réttmæta og ábyrga meðferð á almannafé. Við störf sín skulu kjörnir fulltrúar ekki aðhafast neitt sem getur falið í sér misnotkun á almannafé.

ML ML  
ML FMS  
EUG. AK  
KBS PLZ

#### **6. gr.**

##### **Gjafir og friðindi**

Kjörnum fulltrúum er óheimilt að þiggja greiðslur, gjafir eða önnur hlunnindi frá viðskiptamönnum ef túlka má það sem endurgjald fyrir greiða.

#### **7. gr.**

##### **Trúnaður**

Kjörnum fulltrúum ber að virða trúnað um það sem þeir fá vitneskju um í starfi sínu og gæta ber trúnaðar um. Þagnarskyldan helst þótt látið sé af starfi. Kjörnum fulltrúum ber jafnframt að virða trúnað um ummæli einstakra fundarmanna á lokuðum fundum í nefndum og ráðum Húnaþings vestra, sem og um innihald skjala eða annarra gagna, sem þeir fá aðgang að vegna starfa sinna og trúnaður skal vera um, enda byggi hann á lögmætum og málefnalegum rökum.

#### **8. gr.**

##### **Að virða hlutverk starfsmanna**

Kjörnir fulltrúar skulu í störfum sínum virða hlutverk starfsmanna Húnaþings vestra. Þeir mega ekki hlutast til um að starfsmenn geri neitt það sem hefur þann tilgang að verða kjörnum fulltrúum á beinan eða óbeinan hátt til hagsmunalegs ávinnings, né heldur aðila nátengdum þeim eða ákveðnum hópum eða fyrirtækjum.

#### **9. gr.**

##### **Stöðuveitingar**

Kjörnum fulltrúum ber að koma í veg fyrir að einstaklingum sé veitt starf eða stöðuhækkun hjá sveitarféluginu á öðrum forsendum en hæfni til að rækja starfið og gæta þess, þegar þeir koma sjálfir að ákvörðun um val á starfsmönnum, að hæfasti umsækjandinn hljóti starfið.

#### **10. gr.**

##### **Miðlun siðareglina til kjörinna fulltrúa, starfsfólks og almennings**

Kjörnir fulltrúar undirgangast þessar siðareglur með undirskrift sinni og lýsa því þær með yfir að þeir ætli að hafa þær að leiðarljósi. Siðareglurnar skulu vera aðgengilegar starfsfólk sveitarfélagsins, almenningu og fjölmörlum á heimasíðu Húnaþings vestra og annan þann hátt sem sveitarstjórn ákveður til að þessir aðilar geti gert sér grein fyrir meginreglum þeirra.

#### ***Samþykkt á 356. fundi sveitarstjórnar Húnaþings vestra 8. september 2022***

Við undirrituð undirgöngumst siðareglurnar og staðfestum það með undirritun okkar:

þorleifur Karl Eggertsson  
þorleifur Karl Eggertsson

Magnús Magnússon  
Magnús Magnússon

Magnús Vignir Eðvaldsson  
Magnús Vignir Eðvaldsson

Friðrik Már Sigurðsson  
Friðrik Már Sigurðsson

Borgrímur Guðni Björnsson  
Borgrímur Guðni Björnsson

Liljana Milenkoska  
Liljana Milenkoska

Elín Lilja Gunnarsdóttir

Elín Lilja Gunnarsdóttir